

Te Hiranga Te Reo Māori

Tautuhinga Aromatawai ā-Waho 2024

Te Paerewa Paetae

93003

Te Ingoa

Te Hiranga Te Reo Māori ki Aotearoa

Te Marautanga

New Zealand Curriculum

Te Wāhanga Ako

Te Reo Māori

Te Tukanga Aromatawai

He Whakamātautau ā-Waho

Te Rā Aromatawai

Tūrei 26 o Noema, 2024

Te Roanga o te Aromatawai

E toru haora

He Kōrero Whakamārama mō Te Hiranga Te Reo Māori

Me noho ngā whakautu mō Te Hiranga Te Reo Māori ki te reo Māori anake.

E toru haora te roa o tēnei whakamātautau ā-waho, ā, e rua ngā wāhanga e whakamahi ana i ngā pūkenga reo torohū, me ngā pūkenga reo whakaputa o te ākonga.

Ngā Rauemi

Kotahi anake te pukapuka mō tēnei whakamātautau ā-waho. Kei roto i te pukapuka ēnei whakamārama e whai ake nei:

- ngā tohutohu mō ngā wāhanga e rua
- ngā mahi mō ia tūmahi
- ngā whārangi e wātea ana mō te tuhinga roa
- tētahi whārangi whakamahere whakaaro.

Mā te kura te nuka me te pūmanawa tautono e tuku atu kia taea ai te whakarongo ki te wāhanga kōrero, kia taea ai hoki te hopu i ngā whakautu ā-waha a ngā ākonga.

Te Takotoranga

Te Wāhanga Tuatahi: Te Pānui me te Tuhituhi

I tēnei wāhanga ka whakaatu te ākonga i tōna tohungatanga ki te whakamahi i ōna pūkenga reo torohū (pānui), i ōna pūkenga reo whakaputa hoki (tuhinga roa) hei āta whakaō i ngā kaupapa huhua.

Te Tūmahi Tuatahi: He Pānui Aroā

- Pānuihia te tuhinga roa, ka whakautu ai ngā pātai.
- He reo ā-iwi te momo, ā, he kāupapa whānui e pā ana ki tētahi tikanga, he kaupapa rānei nō te ao Māori.

Te Tūmahi Tuarua: He Tuhinga

- Mā te ākonga e whiriwhiri tētahi kaupapa hei tuhinga roa māna.
- Kia kua e iti iho i te **rima rau kupu** te roa o te tuhinga.

Te Wāhanga Tuarua: Te Whakarongo me te Kōrero

I tēnei wāhanga ka whakaatu anō te ākonga i tōna tohungatanga ki te whakamahi i ōna pūkenga reo torohū (whakarongo), i ōna pūkenga reo whakaputa hoki (kōrero) hei āta hao i ngā tini kaupapa.

Te Tūmahi Tuatoru: He Mahi Whakarongo (He Pāohotanga)

- Ka toru ngā pāohotanga o te kōrero hei whakarongo mā te ākonga.
- He kōrero tautohe te hanga.
- Ka tukuna te tekau mā rima meneti ki te ākonga ki te whakarāpopoto i te kōrero, nō reira me arohaehae, me tīpako te ākonga i te matū o ngā taha e rua.
- Mā te kaiwhakahaere ngā pukapuka katoa e kōhi.

Te Tūmahi Tuawhā: He Kōrero ā-Waha

- He kōrero tene te hanga, ā, e rima meneti te roa o te whakaputa kōrero.
- Ka haere te ākonga ki rūma ke ki te hopu i tōna reo ki te kōpae.
- Mā te ākonga e waitohu tana kōpae.
- Mā ngā kura e tuku mai ngā kōpae kōrero a te ākonga.